



Kommunalbestyrelsi 29. september 2022 nal. 10:00

Kommune Qeqertalik Kommunalbestyrelsi
14-2022
Oqaliiserisassat ammasut

Hansen, Ane	IA
Lundblad, Frantz	IA
Broberg, Bia A.	IA
Nathanielsen, Karl Thue	IA
Aronsen, Hans	IA
Lundblad, Klaus	IA
Kristensen, Niels	IA
Larsen, Mariane S.	IA
Jeremiassen, Kristian	IA
Heilmann, Simigaq	D
Kristensen, Naja	A
Jeremiassen, Otto	S
Sandgreen, Enok	S
Samuelsen, Aqqa	S
Frederiksen, Ole I.	S

Ataatsimiinnermi aqutsisoq:

Ane Hansen, IA

Allatsi:

Kulunnguaq Reimer Olsen

Ataatsimiinneq:

Teamsikkut

ULLORMUT OQALUSERISASSAT

22-070 BRND system – kulturimut sunngiffimmullu suliaqartunut system	3
22-071 Suliffimmi systemip Piliikarsuaq (qallunaatut taaguutilik Pelikanen) nutarternera	7
22-072 2023-mut Missingersuutissatut siunnersuut pillugu Kommunalbestyrelsimut siullermeerinninnissamut inassuteqaat.....	10
22-073 Kommunimut pilersaarummut tapiliussamut nr. 11-mut Kommunimut pilersaarut 2018-2030 Kommune Qeqertalimmi Immikkualuttoq 1000-C03 Wille Brandtsvej eqqaani Qitiusoqarfimmu siunnersuut.....	17
ILISIMATITSISSUTIT	20
22-074 2022-imi qaammatinut siullernut pingasunut naatsorsuutit pillugit ilisimatitsineq	20
ATAATSIMIINNEQ NAAVOQ:	22
ATSIORFISSAQ:.....	22

Oqaluuserisaq	Oqaluuserisassat akuerineqarnerat
----------------------	--

Oqaaseqaatit:**AALAJANGERNEQ:**

--

Suliap nr.	22-070	Ilanngussap normua	70	Journal nr.	
Eqqartugaq	22-070 BRND system – kulturimut sunngiffimmullu suliaqartunut system				

EQIKKAANEQ:

Ataatsimoorluni suliaq Timi Tarnimit saqqummiunneqarpoq, matumani qinnuteqaatigineqarluni aaliangersimasumik atuilernissamat (abonnement) pisinissamat akuerineqarnissaq.

- System kommunit sinnerinit tamanit aammalu GIF-imit atorneqarpoq, Kommune Qeqertalik minillugu.
- Innersuutigineqarpoq systemimik atuilernissamat pisinissaq politikikkut akuersissutigineqassasoq Kommunalbestyrelsesemi inaarutaasumik akuerineqartussanngorlugu.
- Aningaasatigut sunniutissai:
 - o 2022 Ukiup sinneranut:
 - abonnement 48.750 kr.
 - siunnersuineq 34.900 kr.
 - **Katillugit: 83.650 kr.**
 - o Ukioq 2023
 - Attavilernerumut ataasiartumik akiliut 265.000 kr.
 - Ukiumut abonnement 195.000 kr.
 - Siunnersuineq 34.900 kr.
 - **Katillugit: 494.900 kr.**
 - o Ukiut sinneri tulluuttut ukiumut:
 - Abonnement 195.000 kr.
 - Siunnersuineq 34.900 kr.
 - **Katillugit: 229.900 kr.**
- Qaammat maj 2022 Kalaallit Nunaanni Timersoqatigiiffiit Kattuffiata nuna tamakkerlugu timersorneq pillugu isumasioqatigiisitsinerani ataatsimiititaliap siulittaasuata, aammalu Timi Tarnimi ataqatigiissaarisup peqataaffigisaanni BRND system ilisaritinneqarluni oqaluttuarineqarsimavoq. Systemimik atuilernissamat tunngatillugu siornatigut suliamik politikikkut qaqitsisoqarnikunngilaq.

SULIAP SAQQUMMIUNNEQARNERA:

BRND system:

- Kalaallit Nunaanni kommunit sinneri systemimik atuisunngornikuupput, ilaatigut GIF qanimut suleqatigineqalernikuulluni. System atorlugu Kalaallit Nunaat tamakkerlugu peqatigiiffiit katersuuffigissavaat, aammalu peqatigiiffimmik ingerlatsinerminnut iluaqutigilluassallugu.
- System piginnaasarpasuaqarpoq, peqatigiiffiit namminneerlutik isertaatertik atorlugu paasissutissat iliorarsinnaavaat imminullu sullinneq atulerlugu, peqatigiiffinnut minnerunngitsumillu kommunimi allaffissornikkut suliaqartunut oqilisaataasumik. System aqqutigalugu qinnuteqaatit tamakkiisumik suliarineqarlutillu nakkutigineqarsinnaapput, paasissutissat allallu piumasaqaatit tamakkiisumik naammassineqarnissaannut qulakkeerinnittuussalluni. Saniatigut peqatigiiffiit nalunaarsornikut, aammalu isertaatitaarnikut "nittartakkaminni" peqatigiiffitsik nittarsaassinnaalissavaat, neqeroorutitik, piffissat naapiffiit sungiusartarfiilluunniit ersarissumik saqqumisilerlugit, ilaasortat elektroniskimik akiliuteqarsinnaalerlutik, billetsearniarnerit allatigullu tuniniaanerit ingerlanneqarsinnaallutik. Peqatigiiffiit system aqqutigalugu qanimut attaveqarfigineqalissapput, tassuunalu aamma ilisimatitsissutit, nutaarsiassat allatullu paasissutissiinerit ingerlanneqarsinnaallutik. Peqatigiiffiit ajornaatsunnguamik imminnut attavigiilerlutillu suleqatigiinnermik pilersitsinnaalissapput, allallu qanoq periuseqarlutillu ingerlaaseqarnerannik malinnaasinnaanerulerlutillu isumassarsiorfissaqalissapput.

- Ullumikkut peqatigiiffinnut attaveqarneq, suleqateqarneq minnerunngitsumillu sullissineq pisariusumik ingerlanneqarpoq, amerlasuutigullu kukkutaarluni sullissisoqartarluni. Systemip atulernissaanut tunngavineqarsinnaasut ilagaat, Kommune Qeqertalimmi anguniakkani qulequttat ilaat makkuusut;
 - **IT, tamat oqartussaaqataanerat oqaloqataanerlu** - attaveqatigiinnermut digitaliusumut malinnaatitsinissaq, imminullu sullinnissamut oqilisaanissaq.
 - **Kulturi kinaassuserlu** - ingammik peqatigiiffeqarnerup tungaatigut.
 - **Peqqissuuneq pinaveersaartitsinerlu** - systemimik immersuisuullutik atuisussat tassaapput; peqatigiiffiit suliniaqatigiiffillu, innuttaasunut sammisassatigut, ilisimasatigut allatigullu ataatsimoortitsisut. Taakkuupput timikkut tarnikkullu inuunermi peqqinnarnerusunut ukkataqarnissamut aqqutissiuisut. Inuttut imminut paarilluarneq, inuunermillu peqqinnerusumik ingerlatsinissamik siunertaqarneq, peqqinnanngitsunut allatigullu inuttut atugassarinnngisanut

Kiisalu; takorluukkatut qulequttat pingaernerit sisamaasunut, innuttaasut namminneq atorsinnaasaannik sakkussalernerisigut sunneeqataaffigineqassapput, ukuusuni:

- **Ataatsimuussuseq** – peqatigiiffiit, kommuni innuttaasullu akornanni ataatsimoornissaq ajornaannerulersissavaa
- **Ilikkagaqarneq** – inuit ilisimasaanik atorluuanikkut ineriartorneq pissaaq
- **Amerlassuseq** – inuttut sammisatigullu assigiinngissuserput tamanut iluaqutaasumik nittarsaanneqarnissaa periarfissaginnerulissaaq.
- **Tikiffikkuminartuuneq** – avataanit tikittut, minnerunngitsumillu Qeqertalimmi innuttaasut periarfissanut amerlanerusunut siammassinnerusunullu, ornigassanut peqataaffissanullu pisariinnerusumik ersarinnerusumillu tikilluaqqullugillu neqeroorfigineqarsinnaalissapput.

Aaqqiissutissatut siunnersuut – ilinniarsimasutut naliliineq

Qulaani systemimik atuilernikkut iluaqutissaasinnaasutut taakkartorneqartunut eqquutsitsissagaanni pingaaruteqarpoq; allaffissornikkut akisussaasut atuisussanut malinnaatitseqqissaarnissaat, minnerunngitsumik peqataatitsinikkut akisussaaqataalersillugillu piginneqataalersinnissaat. Atuutilissappalli atuutilernissaanut aaliangiisussaag annerpaaq aningaasaniippoq. System atorneqalerpat Timi Tarnimi sulisunit suliaq tamakkiisumik akisussaaffigineqassaaq.

Aaqqiissutissatut siunnersuut:

1. Ukioq 2022-imut systemimik atuilernissamut aningaasartuutissat katillugit 83.650 kr.-nik amerlassuseqartut, politikikkut taperserneqarluni, immikkullu qinnuteqangikkaluarluni Timi Tarnimi aningaasaliissutaareersut iluannit sumiiffikkaarluni qanoq pilliuteqartiginissaq isumaqatigiissutigineqarluni nammineq agguarneqarnissaa akuersissutigineqassasoq.
2. Ukioq 2023-imut aningaasartuutissat katillugit 494.900 kr.-nik amerlassuseqartut ataasiartumik immikkut aningaasaliiffigineqassasut, tamanna pisinnaangippat missingersuutit iluannit suliaasaqarfik Timi Tarnimit ataatsimoorluni matussusiisoqarsinnaanera periarfissillugu, kiisalu:
3. Ukioq 2024-mit ukiut tulliunut systemimik atuinissamut aningaasartuutissat ukiumut katillugit 229.900 kr.-nik amerlassuseqartunut akiliuteqartussanut aningaasaliisoqarnissaa siunniunneqassasoq.
4. Ukioq 2023-mut kiisalu ukiunut tulliuttunut ataavartumik qaavatigut aningaasaliisoqarnissaa pisariaqartinneqarluni qinnuteqaatigineqarpoq.

ANINGAASATIGUT KINGUNISSAI:

- Qulaani aningaasartuutissat taakkartorneqartut innersuunneqarput.
- Ukioq 2022 sinneranut aningaasaliinissaq Timi Tarnimit sinaakkutat iluannit matussuserneqassaaq
- Ukioq 2023-mut kiisalu ukiunut tulliuttunut ataavartumik qaavatigut aningaasaliisoqarnissaa pisariaqartinneqarluni kissaatigineqarpoq.

-

KINGUNISSAT:

Ukioq 2023-mit ukiut tulliitut systemimut atuilernissamat qaavatigut aningaasaliisoqarnissaanik qinnuteqaat kommunip aningaasaqarnikkut pingaarnersiunermini matussuserneqarsinnaanngippagu, Timi Tarnimi sinaakkutat iluannit matussuserneqarnissaanut politikikkut akuerineqaaqqaarnissaq kissaatigineqarpoq. Taamaattoqassappalli ilisimaneqassaaq; qaavatigut aningaasaliisoqarani Timi Tarnimit aningaasartuutit missingersuutinit matussuserneqassappata, peqatigiiffinnut allanullu aqqissuussanut aningaasaliissutissat tapiissutissallu kalluarneqassammata, illuanik aningaasartaqanngitsutigut sullissineq pitsanngoriarualartoq. Naqissuserneqassaarli systemimik atuilernissaq pingaaruteqarlunnartutut Timi Tarnimit isigineqarluni nalilernerqarmat, kommunip iluani taamaallaat pinnani nunarpulli tamakkerlugu sullissilluarlunilu suleqataalluarnissaq pillugu.

INATSISITIGUT TUNNGAVIUSOQ

Kulturikkut ingerlatsineq sunngiffimmilu sammisassaqtitsineq pillugit Inatsisartut inatsisaat nr. 5, 6. juni 2016-imeersoq

- Kommuni Qeqertalimmi "Takorluukkat aamma pingaarnertut iluseq"
<https://kommuneplania.qeqertalik.gl/takorluukkat-aamma-pingaarnertut-iluseq/>

SULIAP SULIARINEQARFIA:

Suliaq Timi Tarni ataatsimiititaliami suliarineqassaaq, ataatsimiititaliaq INUA-kkoorlugu kommunalbestyrelsemut inaarutaasumik aaliangiiffigineqartussanngorlugu ingerlateqqinneqassalluni.

INASSUTEQAAT:

Qullersaqarfik Ataatsimiititaliaq Inua-nut inassutigaa:

- 2022-imi periutsimik atuutsitsilernissaq eqqarsaatigalugu Aasianni Timi Tarni-mut aningaasaliissutaasunik atuinissaq akuersissutigineqassasoq.
- Ataatsimiititaliaq Timi Tarni piumaffigineqassasoq 2023-imi periusiusup ingerlaannarnissaa eqqarsaatigalugu aningaasalersuinissamat maannakkut 2023-imut missingersuutinit aappasaaneerlugu suliarinissaani sinaakkutat iluini aningaasaliissutissanik innersuutigeqqullugu.

Timi Tarni *suliaqarfiiup*, *Timi Tarni ataatsimiititaliamut inassutigaa:*

- Systemimik atuilernissaq akuersissutigineqassasoq, ukioq 2022 Timi Tarnimit allaffissornikkut nammineq matussuserneqassalluni, aammalu
- Ukioq 2023-mut aningaasaliisoqassasoq, ukiut tulliuttunut aningaasartuutissanut qaffaateqartoqarluni.

ILANNGUSSAT:

- Ilanngussaq 70-01 Check-In_foreninger
- Ilanngussaq 70-02 Qeqqata kontrakt fra april 2020 som eksempel
- Ilanngussaq 70-03 absalonX_folder_printvenlig
- Ilanngussaq 70-04 colosseum_folder_printvenlig

AALAJANGERNEQ:

Ataatsimiititaliaq Timi Tarni ulloq 8. September 2022 ataatsimiinnerani aalajangerneq:

Aaliangernissaq akuerineqaroq.

AALAJANGERNEQ:

Ataatsimiititaliaq Inua ulloq 22. September 2022 ataatsimiinnermini aalajangernera:

Inassuteqaat akuerineqarpoq.

AALAJANGERNEQ:

--

Suliap nr.	22-071	Ilanngussap nr.	71	Journal nr.	18,01
Sammisaq	22-071 Suliffimmi systemip Pilliikarsuaq (qallunaatut taaguutilik Pelikanen) nutarternera				

EQIKKAANEQ:

Suliassaqarfik INOQARFIK suliffimmi systemip Pilliikarsuaq (qallunaatut taaguutilik Pelikanen) nutarterneqarnissaanik pisariaqartitsivoq. Pilliikarsuaq Qaasuitsup Kommuniani ineriartortinneqarpoq nunaminertaliisarnermi sullissinerup suliffimmut tulluarsarlugu pitsanngorsarneqarnissaa siunertarlugu. Programmip nutarterneqarnissaa pisariaqartinneqarpoq.

SULIAP SAQQUMMIUNNEQARNERA:

- Pilliikarsuaq ineriartortinniarlugu allatseqarfik programminik arlalinnik suliaqarpoq, akunnerminni atassuteqatigiinngitsunik. Taamaattumik suliffimmi systemi Pilliikarsuaq ineriartortinneqarpoq, taaguutaalu assersuutaavoq oqariartuutaallunilu programmit taakkua ataatsimut katersorneqarsimasut – Pillikarsuup siggussuani. Taaguutaa ingerlatsiviusimasumi taaguummik unammisitsisoqarnerata kingorna saqqummiunneqarpoq.
- Kommune Qeqertalimmi programi version qangarnisaq atorineqarpoq, 2008-milu kommune avinneqarmat nutarterneqarsimanngitsoq. Avannaata Kommuniani versioni ineriartorteqqitaq nutaaq suliarineqaleruttoq. Versionimi tassani sanaartornermi sullissineq, nunamik assaanermut aamma qaartitsinermit akuersissutit allallu akuersissutit pineqarput, nunaminertanik agguaanerit pisarillit allaffissornikkut tunniunneqarsinnaasut.
- Massakkut programmip atorineqartup pissutsit nunaminertaliinermit tunngasut isumagisarpai, Pilersaaruserneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-imeersoq aammalu Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat nr. 9, 13. juni 1994-imeersoq aamma Pisortat ingerlatsineranni suliassat suliarineqartarnerat pillugu Inatsisartut inatsisaat nr. 8, 13. juni 1994-imeersumeersut najoqqutassat. Programmi kommunillu avinnerani 2018-mili suli nutarterneqanngimmat programmip inatsit Pilersaaruserneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-imeersup uunga Pilersaaruserneq aamma nunaminertat atorineqartarnerat pillugit Inatsisartut inatsisaata allanngortinneqarneranik Inatsisartut inatsisaat nr. 34, 9. december 2015 (Nuna tamakkerlugu pilersaarusernermit nalunaarussiaq, nunaminertanik inniminniisarneq, atuisinnaanermut killigitamik sivitsuisinnaanermut periarfissaq, utaqqisunik allattorsimaffiup saqqummiunneqarnissaa, pilersaarusernermit- nunaminertamillu atuisinnaanermut atatillugu naammagittaallioritariup allallu atorunnaarsinneqarnissaa.) nutarterneqarnera naammassisinnaangilaa.
- Nunaminertamik atuinissamut qinnuteqarnermit akuersinermit suleriaatsimi pineqarput nunaminertanik atugassiineq, sanaartornissamut akuersissutit, nunamik assaanermut aamma qaartitsinermit akuersissutit kiisalu sanaartukkamik atuutitsilernermit akuersissuteqartarneq suliameq tamakkiisumik akuersineq. Massakkut programmi Pilliikarsuaq taamaallaat nunaminertanut tunngasuinnarnik suliaqartoqarsinnaavoq.
- Avannaata Kommunian nutaanik procesdiagramminik assigiinngitsunik allakkianillu suliaqarpoq qulaani pissutsit taaneqartut suliarinerinut. Taassuma saniatigut Avannaata Kommunian digitalikkut nittartakkamik suliaqaleruttoq, taamaalilluni programmimi allaaserineqartumi suleriaaseq tamaat isumagineqarsinnaalissaaq.
- Tamanna Kommune Qeqertalik Avannaata Kommunianit allakkianik procesdiagramminillu piginneqatiginnissummik 50 %-imik pisinissamut isumaqatigiissuteqarsinnaatissavaa aammalu Kommune Qeqertalimmut naleqqussakkamik digitalikkut nittartakkamik nutartikkamik pisinissaanut.

ANINGAASATIGUT KINGUNISSAT:

- Allakkianik procesdiagramminillu Avannaata Kommuniani pisineq akeqarpoq 55.987,50 kr.
- Digitalikkut nittartakkamik siunnersuisunit ingeniørfirma COWI-mi versionimik nutaamik pisineq akeqassaaq 300.000,00 kr.
- Ingerlatsineq aamma hosting ukiumut massakut akeqarpoq 6.000,00 kr. Aningaasat taakkua ukiup aallartinneri tamaasa akilerneqartassaaq nittartakkamillu nutaamik nutarterinermi allangortinneqartassanani.
- Pisineq Inoqarfimmi sulinermi aqqissuussinermut aningaasaliissutinit kiisalu IT-mik ingerlatsinermut aningaasaliissutinit aningaasalersorneqassaaq.

KINGUNEQAATIT:

- Suliami saqqummiussami allaaserineqartumik digitalikkut nittartakkamik kiisalu allakkiamik processinillu pisinermik Ataatsimiititaliaq INUA akuersissappat, allatseqarfik nutaalamik sullissinermi systemeqalissaaq.
- Sulinermi systemimi pillugu ESDH-systemimik nutaamik GetOrganized-imik tuniniaasorlu oqaloqatigiissutigineqareerpoq, kommunip Isumaginninnermi suliassaqarfimmi atuleriigaani kingusinnerusukkullu kommunimi suliassaqarfinni tamani atorneqalersussami. Piliikarsuaq tassunga elektroniskimik sulianik allakkianillu suliqaarluni programmimut ilanngullugu atorneqarsinnaavoq. ESDH-systemi kisimi atorneqarsinnaangilaq, suliatigut suleriaatsinik isumaginnissinnaangimmat ass. nunamik assaanermut aamma qaartitsinermut akuersissutit allallu akuersissutit.
- Suliassaqarfik INOQARFIK version nutaaq Piliikarsuaq atorneqalissappat, qitiusumik sanaartornermi sullissineq immikkoortuni avataaniittuni ingerlanneqarsinnaalissaaq soorlumi nunaminertaliisarnermi sullissineq taamaareersoq.
- Sulisunik taarsaannerup annertunera pissutigalugu avataani nunaminertaliinermik sulisut piginnaangorsaqqinnissaat pisariaqartinneqarpoq, nunamik assaanermik atulersitsisartut.
- Massakut aamma suleriaatsit immersugassallu assigiinngitsut atorneqarput, kommunip avinnerata kingornalu nutarterneqanngitsut.
- Sulisut innuttaasullu taamaattumik ilinniartitsinerup kingorna pitsaaneruseqarpoq sullisseriaaseq malugisinnaassavaat aammalu pitsanngorsaaneq sulinermillu nuannarinninnerunissaq pitsaasumik nutaamik sulinermi atortoqalernermi anguniarneqarpoq.

INATSISITIGUT TUNNGAVIK:

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq.
- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersumik allangortinneqartoq Inatsisartut inatsisissaat nr. 34, 9. december 2015.
- Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisissaat nr. 9, 13. juni 1994-imeersoq.
- Pisortat ingerlatsineranni suliassat sularineqartarnerat pillugu Inatsisartut inatsisissaat nr. 8, 13. juni 1994-imeersoq.

SULIAP SULIARINERA:

- Ataatsimiititaliaq INUA.

INASSUTEQAAT:

Inoqarfik INUA Ataatsimiititaliaq Inua-mut inassuteqaatigaa,

- immersugassat kiisalu sulinermi systemip Piliikarsuaq-mik nutarterinissaq akuerineqassasoq.

ILANNGUSSAQ:

Ilanngussaq 71-01: Piliikarsuaq-mut digitalikkut nittartakkamut nutaamut neqeroorut.

Ilanngussaq 71-02: Avannaata Kommunianut akiligassap assilinera, imaralugit allakkat, suleriaatsit aammalu taakkununga siunnersuinerit.

AALAJANGIINEQ:

Ataatsimiititaliaq Inua ulloq 22. September 2022 ataatsimiinnermini aalajangenera:

Inassuteqaat akuerineqarpoq.

AALAJANGIINEQ:

--

Suliap nr.	22-072	Ilanngussap nr.	72	Journal nr.	
Sammissaq	22-072 2023-mut Missingersuutissatut siunnersuut pillugu Kommunalbestyrelsimut siullermeerinninnissamut inassuteqaat				

EQIKKAANEQ:

Uuminnga suliamik saqqummiussamik Ataatsimiititaliaq Inua 2023-mut Missingersuutitut siunnersuummik Kommunalbestyrelsip siullermeerinninnissaanut inassuteqaateqarpoq.

Missingersuutitut siunnersuut Ataatsimiititaliaq Inua-ni 2023-mut Missingersuutit sinaakkutaat ulloq 14. juuni 2022 aalajangersarneqartoq tunngavigalugu suliarineqarpoq. Kommunalbestyrelsip Missingersuutitilerinnermi isumasioqatigiinnerani Kangaatsiami ulluni 15. aamma 16. juuni 2022. Ataatsimiititaliat Ataatsimiititaliaq Inua-nut suliassaqarfiit iluanni missingersuutit pillugit ataatsimiititaliat inassuteqaataat ataatsimiititaliani suliarineqarpoq ulluni 6.-8- septembari 2022.

SULIAP SAQQUMMIUNNEQARNERA:

2023-mut Missingersuutissatut siunnersuut Teknikkikkut Aqutsinnermi Missingersuutit tunngavigalugit suliarineqarpoq, kommunip massakkut aningaasaliissutaani allanneqartumi.

Ataatsimiititaliaq Inua-ni 2023-mut Missingersuutitut sinaakkutit aalajangersarpai 2023-mi aammalu ukiuni missingersuusiorfiusuni 2024-miit 2026-mut kommune 18 mio. koruuninik sinneqartoorteqarnissaa anguniarlugu. Taassuma saniatigut ataatsimiititaliaq aalajangerpoq kommunimi akileraarutit procentia massakkut 28 %-iusoq aalajangersarneqassasoq aammalu kommunip nalinginnaasumik isertitai 10 %-imik annertusissasut. 2024-mi sanaartornermut sinaakkutissani 90 %-inik aalajangiisoqarpoq, 2025-mi 80 %m aammalu 2026-mi 70 %-mik sanaartugassanut sinaakkusiisoqarluni. 2023-mi sanaartornermut sinaakkutissat 55 mio. koruuninut aalajangersarneqarput, 2024-milu sanaartornermut sinaakkutissat 90 %-inut aalajangersarneqarlutik, 2025-mi 80 % aammalu 2026-mi 70 %-mik sanaartugassanut sinaakkusiisoqarluni.

Missingersuusiornermut isumasioqatigiinnermi Kommunalbestyrelse Ataatsimiititaliaq Inua-ta 2023-mut missingersuutaanik saqqummiussivigineqarpoq aammalu politikerinit, innuttaasunit allatseqarfimmillu siunnersuutit tunngavigalugit periarfissat allattorsimaffii saqqummiunneqarlutik.

Ataatsimiititaliaq ataavartut suliassaqarfimminni missingersuutitut siunnersuutit ulluni 6.-8. septembarimi suliaaraat.

Ataatsimiititaliaq INOQARFIK ingerlatsinnermut missingersuutit akuersivoq. Ataatsimiititaliamit kissaatigineqarpoq sanaartugassat pingaarnersiorneqassasut kiisalu sanaartugassanut nutaanut aningaasaliisoqassalluni. Ataatsimiititaliamit kissaatigineqarpoq sanaartugassanut tulliuttunut aningaasaliisoqassasoq:

- 1 mio. kr. 2023-mi Qeqertarsuarmit Aqquserniliornissamut, illoqarfimmi utoqqarnut pitsaanerusunik aqqusernit sanaartorneqarnissaannut qulakkeerisussaq
- 1 mio. kr. 2023-mi Qeqertarsuarmit aamma Qasigiannuani aqqusernit nutaat suliniutigineqarnissaannut
- 1 mio. kr. 2023-mi Qasigiannuani tummeqqanik nutaanik sanasoqarnissaannut
- 10 mio. kr. (5 mio. kr. 2023-mi aamma 5 mio. kr. 2024-mi) Qasigiannuani inissianik sanaartortoqarnissaannut
- 1 mio. kr. 2023-mi Qasigiannuani aqqusernit suliniutigineqarnissaannut, arsaattarfimmut iliveqarfimmillu aqqusineqarnissamut qulakkeerisussat
- 15 mio. kr. 2023-mi Niaqornaarsunni Minihalip sananeqarnissaannut

- Qeqertarsuarsuarmi meeqqeriviup nutaap suliniutigineqarnissaanut sanaartorneqarnissaanullu siuartitsineq Siunnersuut ima paasineqassaaq 2023-mut 1 mio. koruuninik 2024-mut 15 mio. koruuninik siuartitsisoqartoq
- 1 mio. kr. Aasianni multibanep nutaap sanaartorneqarnissaanut
- 1 mio. kr. 2023-mi Aasianni aqqusiniliornissamut, Aadarujuk Piukkunnarsarfimmut atassuserlugu
- Kangaatsiami arsaattarfiup ivigaaraasartallip sanaartorneqarnissaanik siuartitsineq Siunnersuut ima paasineqassaaq 2023-mut 1 mio. koruuninik 2024-mut 5 mio. koruuninik siuartitsisoqartoq
- 1 mio. kr. Kangaatsiami aqqusernit asfaltilersorneqarnissaannut
- Aasianni bussinik pisinissamik kiisalu aningaasaliissutinik qaffaanissamut siuartitsineq. Siunnersuut ima paasineqassaaq 2023-mut 2,5 mio. koruuninik sanaartornissamut aningaasaliisoqartoq.

Ataatsimiititaliaq INOQARFIK-mit siunnersuut sanaartugassat nutaamik pingaarnersiorneqassasut ima paasineqassaaq 2023-mi sanaartugassanut aningaasaliissutit 2023-mi 26 mio. koruuninik aammalu 2024-mi 24 mio. koruuninik tamakkiisumik qaffanneqassasut. Sanaartugassanut aningaasaliissutit tamakkiisut taamaalillutik 2023-mi 73,4 mio koruuniussapput aamma 2024-mi 65,9 mio. koruuniussallutik. Sanaartugassanut sinaakkutit 2023-mut 55 mio. koruuninik 2024-mut 49,5 mio. koruuniussaannik aalajangersaasoqarpoq.

Ataatsimiititaliap Inuit-ip ulloq 7. september ataatsimiinnermini 2023-imut missingersuutissatut siunnersuut isummerfiginngilaat. Ataatsimiititaliap kissaatigaa ulloq 13. september immikkut ittumik ataatsimiinnissami siunnersuut pillugu paasissutissanik annertunerusunik pissarserusullutik. Immikkut ittumik ataatsimiinnermi amerlanerussuteqartut aalajangerput Ataatsimiititaliaq Inoqarfik sanaartugassatut missingersuutit pillugit ataatsimeeqatigineqassasoq, tassa sanaartornermut aningaasartuutit qaffakkiartornerisa pisariaqartilissammasuk suliassaqarfimmi Inuit-mi suli annertunerusumik sipaaruteqarnissaq. Ataatsimiititaliap Inuit-ip ingerlatsinermit missingersuutissatut siunnersuut itigartippaat, matumani missingersuutit pillugit siunnersuut INUIT-ADM01 Siusinaartumik utoqqalinersiallit pillugit suliat nalilersoqqinneri aamma Inuit suliassaqarfiini akigititanik 10 %-imik qaffaanissamik Ataatsimiititaliap Inua-p aalajangernerana ilanngullugu. Ataatsimiititaliap kissaatigaa kommunimi ulloq unnuarlu angerlaarsimaffiup pilersinneqarnissaa pillugu siunnersuummik suliartoqassasoq.

Ataatsimiititaliap Timi Tarni suliassaqarfimmut sanaartornermut missingersuut akuerineqarpoq. Ataatsimiititaliap TIMI TARNI-mit kissaatigineqanngilaq Ataatsimiititaliap Inua-ta 10 %-imik akiliutit qaffannissaat pillugu missingersuummut ilanngunneqarnissaannik aalajangiineranut atuutsitsilernissamut.

ANINGAASATIGUT KINGUNISSAT:

Siunnersuummi matuma ingerlatsinermi sinneqartoorutissat 70,6 mio. koruuniussasut missingersuusiorneqassaaq. 2022-mi kommune ingerlatsinermi 70,2 mio. koruuninik sinneqartuussasoq missingersuusiorneqassaaq.

Siunnersuummi 2023-mi sanaartugassanut aningaasaliissutit 47,4 mio. koruuniupput aammalu 2023-mit 2026-mut 170,4 mio. koruuniullutik. 2022-mut missingersuummi 2022-mut 60 mio. aammalu 2022-mit 2025-mut 211,8 mio. koruunit missingersuusiorneqarput.

2023-mut Missingersuutissatut siunnersuummi 2023-mi 23,1 mio. koruuninik sinneqartoortoqassasoq takutinneqarpoq. 18 mio. koruuninik missingersuutini sinneqartoortoqassasoq siunertaavoq. Taamaalilluni sanaartugassanut nutaanut imaluunniit kiffartuussinermi pitsanngorsaanernut 5,1 mio. koruunit missingersuutissatut siunnersuummut aningaasatigut atorneqarsinnaassapput.

Ataatsimiititaliaq INOQARFIK-up sanaartornermut missingersuummut siunnersuutaa ima

paasisariaqarpoq 2023-mi 26 mio. koruuninik aamma 2024-mi 24 mio. koruuninik immikkut aningaasartuuteqartoqassasoq.

Ataatsimiititaq Inuit aamma Timi Tarni-mit Ataatsimiititaliaq Inua-ta kommunimi akigititanik 10 %-imik qaffaaneq pillugu aalajangiussaata atuutilersinnginnissaanut siunnersuut ima paasisariaqarpoq isertitatigut 1,6 mio. koruuninik annaasaqaataassasoq.

Ataatsimiititaliat ataavartut siunnersuutaata missingersuummut atuutilersinneqarpat 23,1 mio. koruuninik sinneqartoorutissaq 2023-mi 4,5 mio. koruuninik amigartoorutaassaaq. Tamanna ima paasisariaqarpoq, kommunimi aningaasat tigoriaannarnit tamakkiisumik nusunneqartussat inissialiornissaannut aningaasaliissutissat ilanngullugit 12,5 mio. koruuniussapput. Kommune Qeqertalik 2023-mi immikkut aningaasartuutit matussusernissaanut ileqqaagaqanngilaq ataatsimiititaliallu siunnersuutaat kommunip ingerlatsineranut aningaasaliissamut atorniarnissap atuutilersinissaata kingunerisaanik.

Tamanna tunngavigalugu innersuussutigineqarpoq Ataatsimiititaliaq Inua missingersuutininut sinaakkutit massakkut atuuttut aalajangersarneqassasut 18 mio. koruuninik sinneqartoorfiusumik aamma sanaartornermut missingersuutininut sinaakkutit 55 mio. koruunit, kiisalu ataatsimiititaliat piunaffigineqassasut 2023-mut missingersuutininut aningaasaliissutininut nutaanut kissaatigineqartut nalinginut sipaarutaasussanik nassaaqqullugit.

KINGUNEQAATIT:

Siunnersuummut kinguneqaatissat missingersuummi allaqqapput.

INATSISITIGUT TUNNGAVIK:

- Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq
- Kommunit missingersuusiortarnerat, aningaasanik tigoriaannaateqarnerat, naatsorsuutaat, kukkunersuiisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 3, 3. februar 2012-imeersoq
- Ingerlatsineranut aningaasanillu aqutsineranut ilitersuut, Kommune Qeqertalik, 01.01.2018

SULIAP SULIARINERA:

Ataatsimiititaliaq Inua kommunip ukiumut missingersuutaanut Kommunalbestyrelsimut siunnersuummik suliaqassaaq.

Ukiumut missingersuutininut siunnersuut Kommunalbestyrelsimi aappassaaneerseqassaaq. 29. septembari siullermeerneqarnissaa naatsorsuutigineqarpoq aammalu naatsorsuutigineqarpoq kommunalbestyrelsip ataatsimiinnerani ulloq 24. novembari aappassaaneerseqassasoq.

INASSUTEQAAT:

Qullersaqarfiup Ataatsimiititaliaq Inua-nut inassuteqaatigaa:

- 2023-mut Missingersuutissatut siunnersuut Kommunalbestyrelsimut siullermeerneqarnissaanut inassuteqaateqartoqassasoq
- ataatsimiititaliap suliassaqarfianut periarfissat allatorsimaffiat akuerineqassasoq
- ataatsimiititaliat Inuit, Inoqarfik aamma Timi Tarni 2023-mut missingersuutit aappassaaneerneqarnissaannut sipaaruteqarnissamut siunnersuut pillugu saqqummiussinissaannut piumaffigineqassasut, 2023-mi aamma ukiuni missingersuusiorfiusuni aningaasartuutissatut siunnersuutigineqartut annertusisussat aningaasaliiffigineqarnissaannut.

ILANNGUSSAQ:

Ilanngussaq 72-01 2023-mut Missingersuutissatut siunnersuut

Ilanngussaq 72-02 Periarfissat allatorsimaffii

Ilanngussaq 72-03 Kommunalbestyrelsimi ilaasortat, nunaqarfimmi aqutsisut, innuttaasut aamma allatseqarfimmit missingersuutissatut siunnersuut

Ilanngussaq 72-04 Ataatsimiititaliaq Inua-p ataatsimiinnerani ulloq 14. juuni 2022-mi imaqarnialiaq

Ilanngussaq 72-05 Ataatsimiititaliaq INOQARFIK-up ataatsimiinnerani ulloq 6. septembari 2022-mi imaqarnialiaq

Ilanngussaq 72-06 Ataatsimiititaliaq INUIT-ip ataatsimiinnerani ulloq 7. septembari 2022-mi imaqarnialiaq

Ilanngussaq 72-07 Ataatsimiititaliaq INUIT-ip immikkut ittumik ataatsimiinnerani ulloq 13. septembari 2022-mi imaqarnialiaq

Ilanngussaq 72-08 Ataatsimiititaliaq TIMI TARNI-p ataatsimiinnerani ulloq 8. septembari 2022-mi imaqarnialiaq

AALAJANGERNEQ:

Ataatsimiititaliaq Inoqarfik ulloq 6. september 2022 ataatsimiinnerani aalajangerneq:

- Qeqertarsuarmi aqqusineq pillugu pilersaarusiornermut kr. 1mio.
- Qasigianguanut aqqusineq pillugu pilersaarusiornermut kr. 1mio.
- Qasigianguani inissianik sanaartornissaq 2023-mi kr. 10mio. aammalu 2024-mi 10mio.
- Niaqornaarsummi timersortafiliassaq missigersuutitut ilanngunneqassasoq.
- Qasigianguani arsaattarfiup aqputaa suliarineqarnissaa kr. 1mio pilersaarusiorneqarnissamut.
- Qeqertarsuaq meeqqanik paaqqinnittarfissamik sanaartornissaq siuartinneqassasoq.
- Qasigianguani tummeqqat kr. 1mio. pilersaarusiornissamut aningaasaliinissaq.
- Multibane Aasianni sananeqarnissaa.
- Aasianni aqquserni atassuserneqarnissaat – Aadarujummik/Sioraleeqqamiik fabrikkip tungaanut kr. 1mio.
- Kangaatsiami ivingaasaaqqalinnik arsaattarfiliornissaq kr. 1mio. 2023 pilersaarusiariarlugu, 2024-mi 5mio.
- Kangaatsiami aqqusernit asfalt-ilersorneqarnissaanut pilersaarusiornissaq kr. 1mio.
- Asiaat bussitaarnissaanut kr. 2.5mio.

AALAJANGERNEQ:

Ataatsimiititaliaq Inuit ulloq 7. september 2022 ataatsimiinnerani aalajangerneq:

10% -imik qaffaanissaq akuerineqanngilaq.

Missingersuutitut siunnersuutit immikkoortortanut kisitsisitigut agguarneqarneqarnerata takussutissartaa ataatsimiisitaliamut saqqummiunneqassasoq piumasarineqarpoq.

Tamatuma kingorna immikkut ittumik ataatsimiinnissaq pisariaqarpat aqqissuunneqassasoq.

Aaliangerneq:

Ataatsimiititaliaq Inuit ulloq 13. september 2022 immikkut ittumik ataatsimiinnerani aalajangerneq:

Førtidspensionist-inut aningaasartuutit ikilisarniarlugit pilersaarummut tunngatillugu aammalu akit 10 %-mik qaffanneqarnissaat pillugit inassuteqaatit itigartinneqarput.

Tassunga taarsiullugu pisortanut suliakkiunneqarpoq Kommune Qeqertaliup avataani ulloq unnuarlu inissiisarfinnut inissinneqartartut angerlartinneqarsinnaanerit siunnertaralugu, ulloq unnuarlu angerlarsimaffimmik, assigiinngitsunik innarluuteqartunut najugassamik Kommunimi pilersitsinissaq misissoqqullugu.

Ilanngullugu ikkunneqartariaqarput suliniarfigalugillu meeqqat atuarfianiit anisut inuutissarsiutitigut ilinniakkamik aallartitsinnaanngitsut, tammakartanerit sapinngisamik unitsinnissaa siunertaralugu.

Aammalu atuarfimmi angusat qaffassarnissaat pillugu suliniut tigussaasunik kingunilimmik ingerlannissaa piumasarineqarpoq. Tassunga ilaalluinnarpoq meeqqat ernumaatillit paasiaartarnissaat pillugu suliniutip aallunnissaa.

Ukioq 2023-imut missingersuutit ukiumi siuliani ingerlatsinermut aningaasaliissutit kr. 356,5 mio. aallaavigalugit suliaasaqarfik ingerlaqqissasoq piumasarineqarpoq.

Aammalu sanaartugassat pillugit missingersuutini Inuit susassaqarfianut tunngasut ataatsimiisitaliaq Inoqarfik naapillugu oqaluuserineqarnissaat piumasarineqarpoq. Takuneqarsinnaammat aningaasartuutissatut missingersuutit aningaasaqarnerlu ataqatigiikkunnaartut.

Siunnersuut 2023-imut sanaartugassanut aningaasaliissutaassapput 47,4 mio. kr.-init kiisalu 2023-imiit 2026-imut 170,3 mio. kr.-iussallutik. 2022-imut missingersuusiarineqarput 60 mio. kr. -it kiisalu 2022-imiit 2025-imut 211,8 mio. kr.-iullutik.

Siumut inassuteqaammut itigartitsivoq tunngavilersuutaa assilillugu allanneqarpoq: Oqaluuserisaq 22-059 inassutigineqartoq itigartippara, 10%-imillu susassaqarfitsinni qaffaaniarneq missigersersuutit ataqatigiisinnissaannut aallaaviummat naaggaarlugu, tarsiullugu kumuunimi susassaqarfitsinni tamani qaffaannginnissaq anguniarlugu periarfissat allat misissorneqarnissaat kissaatingaara.

AALAJANGERNEQ:

Ataatsimiititaliaq Timi Tarni ulloq 8. september 2022 ataatsimiinnerani aalajangerneq:

Atuakkanik atorniartarfimmi akigititat 10%-mik qaffannissaat akuerineqanngilaq. Missigersuutit sinneri akuerineqarput.

AALAJANGERNEQ:

Ataatsimiititaliaq Inua ulloq 22. September 2022 ataatsimiinnermini aalajangernera:

Ataatsimiititaliaq Inuani isumaqatigiissutigineqarpoq, ingerlatsinermi sinaakkutaasut kiisalu sanaartugassani sinaakkusiunneqartut 55 mio. Kr. Iluani 2023-mut missingersuut naammassineqassasoq, nikisitsisoqassappallu ataatsimiititaliat ataavartut sinaakkutit iluanni pingaarnersiuissasut.

Attumi Ikamiunilu Atuarfiit pingaarnersiornermi eqqarsaatigineqassasut.

Akinik 10%-imik qaffaanissamik innersuutip iluani attunngitsoorneqarsinnaasut misissorneqassasut.

Siusinaarluni utoqqalinersiutillit pillugit kommunalbestyrelsi immikkut sammisaqassasoq temadageqarnikkut.

Ataatsimiititaliaq Inuit aamma ataatsimiititaliaq Inoqarfik missingersuutit pillugit naapisinneqassasut.

AALAJANGERNEQ:

--

Suliap nr.	22-073	Ilanngussap nr.	73	Journal nr.	18.03.11 & 16.04.1000-C03
Sammisag	22-073 Kommunimut pilersaarummut tapiliussamut nr. 11-mut Kommunimut pilersaarut 2018-2030 Kommune Qeqertalimmi Immikkuualuttoq 1000-C03 Wille Brandtsvej eqqaani Qitiusoqarfimmut siunnersuut				

EQIKKAANEQ:

Aasianni sanaartorfissanik ujartuineq annertooq misigineqarpoq. Tamannalu pissutsinik arlalinnik pissuteqarpoq. Nalinginnaasumik inuiaqatigiit appariaateqarput, kisiannilu inissianut assigiingitsunut utoqqarnullu inissianut sanaartorfissanik ujartuineq annertooq misigineqarpoq. Taamaalilluni Kommunimut pilersaarummi 2018-2030, Kommune Qeqertalimmi Immikkuualuttoq 1000-C03 Aasianni Wille Brandtsvejimi Qitiusoqarfimmi aalajangersakkat inerisarneqarnissaat pisariaqartinneqarpoq.

SULIAP SAQQUMMIUNNEQARNERA:

Inoqarfik INUA ukuninnga paasissutissanik kiisalu aaqqiisutitut siunnersuutininik peqarpoq:

- Sanaartorfissanik ujartuineq annertusisoq maluginiarneqarpoq, naak innuttaasut amerlassusaat apparaluartoq.
- Ukiorineqartut 65-niik qaffalaarsimapput. Malisungaannarlugu ukioqatigiiaat 65+ namminerisaminnik angerlarsimaffimmini sivisunerusumik najugaqartalerput, taamaattumik inissat iperarneqartanngillat, meeqqat angerlarsimaffimmit nuukkaangata minnerusunik inissiaqartanngilaq nuuffigineqarsinnaasunik, taamaattumik inissiat iperarneqartanngillat.
- Suliffeqarfiit sulisussaaleqipput inissiat amigaatigineqarmata.
- Ukioqatigiiaat 0-15-nik ukiullit appalaarsimapput, tamatumunngalu pissutaasinnaavoq, ilaqutariinnut inissiat suliffissallu amigaataammata.
- Ukioqatigiiaat 25-64 appalaarsimapput, tamatumunngalu pissutaasinnaavoq qulaani taaneqareersut innutaasut katitigaanerannik ataqatigiissitsinerup ineriartornera.
- Taamaalilluni Aasianni sanaartorfissanik nutaanik pisariaqartitsisoqarpoq.
- Peqatigitillugu maluginiarneqarpoq, utoqqarnut inissianik najugaqatigiiffinnillu pilersitsinnerup pilersaarusernera tunngavissaqanngimmat. Kommunimut pilersaarummi tapiliussami matumani inatsisitigut iluarsisoqarpoq, tigussaasumik inatsisitigut iluarsisoqarneratigut annasaqarnissaq kissaatigineqanngimmat.
- Kommunimut pilersaarummut tapiliussami tassani sanaartorfissat nutaat inissinneqassapput, kommunimut pilersaarummi aalajangersakkani tamakkiisuni portunerpaaffissaata aalajangersimaffiani aammalu sanaartorfissat inissisimaffissaat aalajangersakkani ersarissakkani aalajangersimasuulluni. Aalajangersakkani tamakkiisunit immikkut akuersissuteqartoqarsinnaanngilaq, tamannalu sanaartortitsisunut ataasiakkaanut qularnaveeqqusiivoq, sanaartortoqannginnissaanut isikkivimmillu arsaarinnittoqannginnissaanut. Kisianni aalajangersakkanik erseqqinnerusunit immikkut akuersissuteqartoqarsinnaavoq, sanaartugaq ilusinilernerani aammalu inissisimaffiata iluarsanneqarnissamik pisariaqartitsilernerani.
- Kommunimut pilersaarummut tapiliussaq nr. 11-mut siunnersuut una peqatigitillugu Akilersuinissamut malittarisassamut siunnersuut nassiunneqarpoq. Ileqqoreqqusami tassani agguataarinissaq aalajangersarneqarpoq, tassanngali allaqqavoq agguagarsiassat sorliit akilerneqassanersut imaluunniit nammineerluni tamakkiisumik aningaasaliisoqassanersaq.
- Sanaartorfissat nutaat saqqummiunneqassapput inissianut qinnuteqarnissamut killigititaq sapaatip akunnerinik pingasut sioqqullugu aammalu qitiusoqarfimmut sanaartorfissanut qinnuteqarnissamut killigititaq sapaatip akunnerinik arfinilinnik sioqqullugu. (Kommunimut pilersaarummut aalajangersakkani piumasaqaatit allaqqapput

<https://kommuneplania.qeqertalik.gl/nunaminertanik-agguassisarneq/nunaminertamik-atuinissamut-qinnuteqarneq/>)

ANINGAASATIGUT KINGUNISSAT:

- Kommunimut pilersaarummut tapiliussaq imminermini kommunimut aningaasatigut kingunissaqanngilaq.
- Kommunimi missingersuutini nunagissaanermut aningaasaliissutit ilaapput, atorneqartut.
- Aamma sanaartortitsisumut ajornanngilaq akilersuinissamut malittarisassat naapertorlugit nammineerluni 100 %-mik aningaasalersornissamut.

KINGUNEQAATIT:

- Ataatsimiititap INOQARFIK aqutugalugu Kommunalbestyrelsip, INUA-talu Kommunimut pilersaarummut tapiliussaq nr. Immikkuualuttumut 1000-C03 Qitiusoqarfik Wille Brandtsvejip eqqaaniittumut siunnersuut kiisalu Akilersuinissamut malittarisassaq matumani immikkuualuttumut siunnersuut tamanut tusarniaatigineqassaaq sapaatip akunnerini arfineq pingasuni.
-

INATSISITIGUT TUNNGAVIK:

- Pilersarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq.
- Pilersarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersumik allanngortinneqartoq Inatsisartut inatsisissaat nr. 34, 9. december 2015.
- Kommunimi pilersaarut 2018-2030 Kommune Qeqertalik.
- Kommunimut pilersaarummut tapiliussamut nr. 11-mut Kommunimut pilersaarut 2018-2030 Kommune Qeqertalimmi Immikkuualuttoq 1000-C03 Wille Brandtsvej eqqaani Qitiusoqarfimmut siunnersuut.
- Kommunimut pilersaarut 2018-2030 Kommune Qeqertalimmi Immikkuualuttoq 1000-C03 Wille Brandtsvej eqqaani Qitiusoqarfimmut siunnersuummut Akilersuinissamut malittarisassat.
- Sanaartorfissaaneq – suliassat isumagisassallu qanoq agguataarneqarnissaannik isumaqatigiissut nutaaq januaarip 1-ta 1998-meersoq pillugu KANUKOKA Namminersornerullutillu Oqartussat isumaqatigiissutaat.
- Sanaartorfissagissaaneq, pisortat kuuffeqarfinnut aqquersuutaat aamma pisortat aqquiniutaat pillugit Inatsisartut inatsisissaat nr. 16, 17. november 2010-imeersoq
-

SULIAP SULIARINERA:

- Ataatsimititaliaq Inoqarfik
- Ataatsimititaliaq INUA.
- Kommunalbestyrelse.

INASSUTEQAAT:

Inoqarfik INUA Ataatsimiititaliaq INOQARFIK-mut inassuteqaatigaa:

- Ataatsimiititaliaq INOQARFIK-up Kommunimut pilersaarummut tapiliussamut nr. 11-mut Kommunimut pilersaarut 2018-2030 Kommune Qeqertalimmi Immikkuualuttoq 1000-C03 Wille Brandtsvej eqqaani Qitiusoqarfimmut siunnersuut kiisalu ommunimut pilersaarut 2018-2030 Kommune Qeqertalimmi Immikkuualuttoq 1000-C03 Wille Brandtsvej eqqaani Qitiusoqarfimmut akilersuinissamut malittarisassat suliarineqarput,
- ataatsimiititalu siunnersuutit taakkua marluk INUA aqputigalugu Kommunalbestyrelsimut ingerlateqqissavaa aamma
- Sanaartorfissat nutaat saqqummiunneqassasut inissianut qinnuteqarnissamut killigititaq sapaatip akunnerinik pingasut sioqqullugu aammalu qitiusoqarfimmut sanaartorfissanut qinnuteqarnissamut killigititaq sapaatip akunnerinik arfinilinnik sioqqullugu.

ILANNGUSSAQ:

Ilanngussaq 73-01: Kommunimut pilersaarummut tapiliussamut nr. 11-mut Kommunimut pilersaarut 2018-2030 Kommune Qeqertalimmi Immikkuualuttoq 1000-C03 Wille Brandtsvej eqqaani Qitiusoqarfimmut siunnersuut.

Ilanngussaq 73-02: Kommunimut pilersaarut 2018-2030 Kommune Qeqertalimmi Immikkuualuttoq 1000-C03 Wille Brandtsvej eqqaani Qitiusoqarfimmut siunnersuummut Akilersuinissamut malittarisassat.

Ilanngussaq 73-03: Inuiaqatigiit nikeriarnerat.

AALAJANGIINEQ:

Ataatimiititaliaq Inoqarfik ulloq 09/08-2022 ataatsimiinnerani aaliangernerera:

Inassuteqaat akuerineqarpoq

AALAJANGIINEQ:

Ataatsimiititaliaq Inua ulloq 22. September 2022 ataatsimiinnermini aalajangernerera:

Inassuteqaat akuerineqarpoq.

AALAJANGERNEQ:

--

ILISIMATITSISSUTIT

Suliap nr.	22-074	Ilanngussap nr.	74	Journal nr.	
Qulequtaq	22-074 2022-imi qaammatinut siullernut pingasunut naatsorsuutit pillugit ilisimatitsineq				

UTEQQIINEQ:

2022 august naatsorsuutit pillugit una ilisimatitsissut aqqutigalugu ataatsimiititaliamut INUA-nut tunniunneqarpoq.

SULIAMIK SAQQUMMIINEQ:

2022 augustimi naatsorsuutit tunngavigalugit piffissap ilaanut naatsorsuutit suliarineqarput. Piffissap ilaanut naatsorsuutit takutippaat sinneqartoortutit 5,2 mio. kr.-isoq.

Kommunabestyrelse marts 2022-imi aalajangerpoq sanaartornermut iluarsartuussinermullu aningaasaateqarfimmik pilersitsinissaq. Aningaasaqarnermut nukinnullu immikkoortortami maanna sanaartornermut aningaasaliissutit aningaasaateqarfimmut nuussorneqarput. Maannakkuugallartoq nuussinerup nalaani itisiliisumik naatsorsorneqanngikkallarpoq sanaartornermut naatsorsuutit.

ANINGAASAQARNIKKUT KINGUNEQAATISSAT:

Ataatsimiititaliaq Inuani septemberimi suliarineqarpoq nuussinissamut siunnersuut suliassaqaarfimmut Inoqarfimmut Timi Tarnimullu tunngasut. Tamatuma saniatigut allaffissornermik suliaqartut suliassaqaarfik Inuini nuussinissamik kiisalu immikkut aningaasaliissutinik suliaq saqqummiussassaq suliarivaat, tamannalu kommunip tamakkiisumik aningaasaqarneranut sunniuteqarsinnaalluni.

KINGUNEQAATIT:

Soqanngilaq.

INATSIT TOQQAMMAVIGISAQ:

Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq

Kommunit missingersuusiortarnerat, aningaasanik tigorianaateqarnerat, naatsorsuutaat, kukkuneruusoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 3, 3. februar 2012-imeersoq

Ingerlatsinerimi aamma aningaasaqarnermik aqutsinermik ilitsersuut, Kommune Qeqertalik, 01.01.2018

SULIAMIK SULIARINNINNEQ:

Piffissap ilaanut naatsorsuutit pillugit ataatsimiititaliaq Inua ilisimatinneqassaaq, tak. Ingerlatsinerimi aamma aningaasaqarnermik aqutsinermik ilitsersuut.

INASSUTEQAT:

Aqutsisoqarfiup Ataatsimiititaliamut Inua-nut inassutigaa:

- ilisimatitsissut tusaatissatut tiguneqassasoq
- ilisimatitsissut Kommunalbestyrelsimut ingerlateqqinneqassasoq

ILANNGUSSAQ:

Ilanngussaq 57-01 2022-imi qaammammi august 2022 naatsorsuutit

AALAJANERNEQ:

Ataatsimiititaliaq Inua ulloq 22. September 2022 ataatsimiinnermini aalajangernera:

Tusaatissatut tiguneqarpoq.

AALAJANGERNEQ:

--

ATAATSIMIINNEQ NAAVOQ:**ATSIORFISSAQ:**

Hansen, Ane

Lundblad, Frantz

Broberg, Bia A.

Nathanielsen, Karl Thue

Aronsen, Hans

Lundblad, Klaus

Kristensen, Niels

Larsen, Mariane S.

Jeremiassen, Kristian

Heilmann, Simigaaq

Kristensen, Naja

Jeremiassen, Nikkulaat

Sandgreen, Enok

Samuelson, Aqqa

Frederiksen, Ole I.
